

國

權

DA...

熹宗天啓二年壬戌起
弘光元年乙酉五月止

國

權


六

中
華
書
局

首都师范大学图书馆



21206365



1206365

國權卷八十五

壬戌天啓二年

正月。酇朔。蘭賊數千人。大噪而出。爲旱船。形如舟。高丈許。長五百尺。樓數重。標羽旂。簾葦左右。板如平地。一人披髮。仗劍居中。數百人。各挾機弩。牛羊千。運石穀行之。旁翼兩雲樓。如左右廣。俯視城中。老穉皆哭。變元曰。此呂公車也。破之。非礮石。不可以。巨木爲杆柱。置軸柱間。轉索運杆。千鈞之石。飛擊如彈丸。賊舟不得近。復募死士。擊敗之。裨將劉養鯤言。諸生范祖文陷賊中。遣孔之譚來言。賊將羅乾象欲歸正。變元卽遣之。譚復往。與乾象俱來。變元與飲。戍樓酣寢。達旦。乾象誓以死報。縋而出。後賊營纖悉畢知者。乾象之力也。又使牙將周斯盛詐降。質其來。預伏待之。崇明果至。甫懸一人上。守兵不知而噪。崇明走免。獲其從騎數人。崇明謀遁。乾象內變。四面火起。崇明父子拔營走。乾象來歸。成都圍凡百有二日而解。賊歸重慶。

辛丑。會議經撫。張問達主責成。經撫功罪一體。王紀議罷經略。周如磐專用遼撫。黃克纘周道登。李宗延專任經略。張鳳翔議經略應削級待罪。何士晉令責二臣分任其事。王永光主撤經略。陞巡撫任之。上諭其協心並力。功罪一體同論。

禮部主事劉宗周上言。亟伸討賊之法。陷撫順。清河。縱敵得志。巡撫李維翰也。棄開原而逃。推官鄭之范也。通虜速禍。經略楊鎬總兵李如楨也。航海遁逃。監軍高出。胡嘉棟。康應乾。贊畫劉國縉也。逃而待罪。境上理餉。傅國監。軍牛維曜也。身坐虜族。不自歸里。反以知縣陞僉事者。佟卜年也。亡功受上賞。遙制山海。不能輯和。撫臣必喪全遼。今經略熊廷弼也。通夷啓釁。奸璫盧受也。受之黨。弒君漏網。奸璫崔文昇也。凡此諸臣。異名同罪。異

罪同情。麗以五刑而輕重布之。又何道焉。時滇賊蠡起。在霑益曰設科。曰李賢。在平夷曰補鮓。亦佐。曰安應龍。在羅平曰阿應。在武定曰張世臣。而羅平爲劇。洱海道副使黃□□監軍援黔。次曲靖。水西土同知安邦彥糾安效良同叛。殺都司李天常。楊明廷。滇兵殲焉。

甲寅。刑部員外郎徐大化劾熊廷弼。

丁巳。建虜破西平堡。初。敵分三路入自柳河。三岔黃泥窪。聯木爲筏。乘流至狹處渡河。直攻西平。參將羅一貴力禦。傷敵甚衆。圍數日不下。化貞遣總兵祁秉忠。劉渠往援。而巡撫中軍孫得功及黃進前通敵。令攻中路。于是二將俱沒。一貴力竭死之。屠其城。

戊午。廣寧兵潰。時建虜屯鎮靖堡。伏而未動。經略自右屯聲援。敵亦防變。駐沙嶺。遣游騎前哨得功。欲生縛巡撫以爲功。訛言敵已薄城。迎降者免死。人爭舁香亭迎之。總兵江朝棟。監軍高邦佐。禁之不能止。化貞方闔署不知也。賴朝棟掖之出城。乃免。邦佐自經。其僕高永亦從死。熊廷弼聞變東馳。遇化貞于前屯。化貞流涕。廷弼但哂而已。遂聯轡入關。所過悉令焚毀。云無以資敵。于是關外民居蓄積爲盡。乙酉。建虜始入廣寧。河西流人及逃兵亡慮數十萬。奔竄入關。薊督王在晉移鎮山海。疑來奸宄。閉關不納。廷弼極言保任得入。報至。朝廷震動。

壬戌。兵部左侍郎王在晉乞賑渡海遼民。命發帑金十萬往賑。

癸亥。黃克纘進太子太保。改兵部尙書。協理戎政。

兵部尙書張鶴鳴自請視師。進太子太保。賜蟒玉尙方劍。

甲子。魏養蒙爲南京兵部尙書。

禮科給事中惠世揚糾南直貢士高如麟。順天貢士張惟勤。查廷樞。浙江貢士錢千秋。賄中。

乙丑。諭兵部。令廠衛緝京城奸謀。禁居民放砲及各官歸拏。貢士私還者罪之。

水西賊攻安順安莊永寧諸城。土司羅應魁僞順天王。沙國珍僞忠順王。何五僞成天王。

二月。朔。戊辰。監軍高出胡嘉棟再逃。逮之。

辛未。命大學士何宗彥朱國祚主會試。初擬顧秉謙副考。上以首科特用二閣臣。

兵部左侍郎王在晉請招遼東潰兵流民從之。

吏部舉卓異布政洪翼聖等二十二入。

壬申。王在晉言。撫臣王化貞孤軍駐前屯。同寧前道張應吾相守。聞芝蔴灣尙有米二十萬石。覺華島米六萬石。事尙可爲也。宜收復寧前。自贖于法。可寬。上從之。

癸酉。御史江秉謙劾尙書張鶴鳴郎中耿如杞。

甲戌。夜。月犯天關星。

丁丑。逮王化貞。免熊廷弼。聽勘。

庚辰。諭加派。以北直隸頻年煩累。免之。有司團練鄉兵。遼民來歸內地。發穀賑濟。俾墾閒田。錄其智勇。

王紀爲刑部尙書。

水西土目安邦彥反。犯貴州。初。蘭賊久圍成都。誑檄諸夷云。克成都。以金帛賞購諸蠻。水西安氏與蘭世仇。宜慰使安位。幼弱。邦彥以支庶擅政。聞蘭已得蜀。亦欲乘間據黔。而蘭賊交倚爲逆。解仇暗結。又招合諸夷。勢復逞。

乙酉。霑益叛。會設科攻平夷衛。陷之。

丁亥。解經邦爲兵部右侍郎兼右僉都御史。經略遼東。

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》 【32 万册影印古籍 + 20 多亿字，带检索器和阅读工具】 包括各地方志、日本内...

【更多】 >> <https://www.fozhu920.com/list/>